



Canolradd (De)

Chwarae'r Gêm - Act 10



(Nodyn i'r Tiwtor: Os dych chi'n dilyn Cwrs Canolradd CBAC (y De) bydd y ddrama hon yn addas unrhyw bryd ar ôl Uned 12.)

Mae'n saith o'r gloch ac mae newyddion S4C newydd ddechrau.

Cyflwynydd: Noswaith dda. Heno...Yr Arlywydd Bush yn ymweld â Chymru.....Tân mawr ar fynydd Parys, Ynys Môna Phlant Cymru i gael afal bob bore yn yr Ysgol...

Ond yn gyntaf heno, arestwyd pedwar o chwaraewyr pêl-droed yng Nghaerddinas heno ac arestwyd un arall ym maes awyr Cymru, Caerdydd. Gyda'r stori, dyma Huw Morgan:

Huw: Diolch, Nia. Wel, aeth yr heddlu i Gynhadledd i'r Wasg yng Nghlwb Pêl-droed Caerddinas am bedwar o'r gloch y prynhawn 'ma ac aethpwyd â phedwar o chwaraewyr i swyddfa'r heddlu. Y pedwar oedd Roberts, Derbyshire, Griffiths a Howells. Cyhuddwyd y pedwar o dwyll. Credir bod y pedwar wedi derbyn arian mawr ar ôl cytuno i GOLLI gêm.

Cyflwynydd: Ac mae Caerddinas wedi colli llawer o gêmiau yn ddiweddar.

Huw: Ydyn. Llawer iawn.

Cyflwynydd: Dim ond y pedwar yma oedd wedi derbyn arian?

Huw: Dyn ni ddim yn siŵr eto ond arestwyd un arall – y capten Michael Jones - ym maes awyr Cymru, Caerdydd heno. Roedd e ar ei ffordd i Napoli yn yr Eidal, mae'n debyg. Credir mai Jones oedd yn trefnu'r twyll.

Cyflwynydd: Felly, beth sy'n digwydd nawr, Huw. Ydy pawb yn cael myndadre heno?

Huw: Na. Mae'r pump yn y ddalfa yng Nghaerddinas heno. Y cwestiwn nawr yw beth fydd yn digwydd i glwb pêl-droed Caerddinas?

Cyflwynydd: Diolch yn fawr, Huw...ac nawr at ein stori nesaf. Mae'r Arlywydd Bush wedi bod yn Aberystwyth heddiw.....

Geirfa

Arlywydd – president

Twyll - fraud

Y ddalfa – remand

Yn ddiweddar – lately